

دائرة مخصوصه

درسمادنده باب عالی جوارارنده

مجل اداره :

مشرط القلم

اخطار :

مسلكمزه موافق آثار جديده مع المنوبه
قبول اورانور

درج ايده بين آثار اعاده اولناز

دينه، فلسفه، علوم، حقوق، ادبيات و سياست و باطخاصه كرك سياسى و كرك اجتماعى و مدنى احوال و شئون اسلاميه و بحث ايد و هفته در نشر انور.

آبونه بدلى

سنه لكى

التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
سائر ممالك اجنبيه	»	۱۷	۹	فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسمادنده نسخه سى ۵۰ پاره در

قيرله دن مقوا بورو ايله كوندريليرسه سنوى
۲۰ غروش فضله آلير

دردنجى جلد

۱۱ ربيع الاخر ۳۲۸ پنجشنبه ۸ نيسان ۳۲۶

عدد : ۸۵

بوملاقات ایکی اوج دفعه تکرارایتد کدن صوکره اسپارطه لی حقیدن باشلایه رق بوتون سودکاری می ، کعبه . حاجی طاشیان دلیلر کی ، امراللهک اوینه کوتورمه یه باشلادم . چوق دفعه لرولی افندی چایزنده ، چوبان چشمه قیرنده ، یاخود دها ایچروده عقد ایتدی کمز انجمنلر الله بیلیر آ انظار تجسی قاناشدیره حق قدر پارلاق اولوردی .

حالك مهالکنی همزدن اینی کوردیکی ایچون آتی پی همزدن فنا تخیل ایتسی ایجاب ایدن قوجه امراللهک توکنی ، فقط متمادی بر سى ، متزاید برعزم ایله برابر کیدن توکنی کوردکجه حقنده کی حسیات و داد و حرمتنه منتها تصور ایله میوردم .

آرددن سنه لر کچدی . بر کون حضرتی پک بشوش کوردم : مکر قونیده آجیله حق مکتب حقوق مدیریته تعیین ایدلش ایتش . عون حقله اوراده برلمه معرفت او یاندیره بیلسهک ... دیوردی . برهفته صوکره ، قونیده بولنسی ایجاب ایدن امراللهی ینه استانبوله کورنجه نه اولدی ؟ کیتمدیکزمی ؟ دیدم .

— کیتدم ده کلدم ! خیالیر بر اقادیلر که ! نه قدرده شوق وار ایدی ! خصوصیه حکومتک ، مملکتک ایلری کلنلری بنی پک کوزل قبول ایتشلردی . بویوک بویوک ایشلر کوره جکمه عادتاً یقین حاصل ایلش ایدم .. نه یاهلم ، الحکم لله ! براز دها بکلرز

زوالی امرالله ینه متانتنه صاحب ایدی ! بووقعه دن تخمیناً بر بوچوق سنه قدر صوکره ایدی که حضرتته سلطان احمد باغچه سنده تصادف ایتش ایدم . او کونده فردای حریتته مصادف جمعه ایرتسی کونی ایدی . بیچاره فرط سرورندن عصی برنوبت کچیرمش اولملی که آرقداشلری کنديسنه قوردیال ایچیرمه یه چالیشیورلر ایدی :

او کونه قدر نشاط ایله ، انبساط ایله یاقیندن معارفه سی اولمایان امراللهک قلبی او کون ضیای سعادتک افقلری لبریز ایدن تجلی نورانوری قارشیدسنده غشی اولمش ده ، ظن ایدرم ، عمرنده برنجی دفعه اوله رق متانتی غائب ایتش ایدی ...

استانبول غزته لرینک شو کونلرده مکتب سلطانی مسئله سنی بهانه ایدرک ناحق یره معارف نظارتنه ، دولایسیله ناظره هجوم ایله ملری بوتون بوخاطرات ماضیه نک بربر جانلارمانسه ، اوخاطره لرک سینه سنده صاقلامق ایستدیکم امیدسزلکاریمک ، جسارنسزلکاریمک بکیدن آیاقلانماسنه سبب اولدی .

معاصرلری طرفدن تکفیر ایدیان حکیم شهر ابن سینانک « دنیا ده بنم کی برمسلمان وار ؛ اوده کافر ایسه هیچ مسلمان یوق دیمکدر ! » دیدیکی کی بوتون بر عمری معارفک نشرینه ، اعلاسنه وسائط احضاریله کچن امرالله حاضرده کی بر مؤسسه معرفتی تخریب ایله اتهام اولنه جقسه نجه مملکتی سون ، مملکتک تعالی عرفانه چالیشان آدم یوق دیمکدر !

مشروطیت بزه غایت آجی بر حقیقت اوکرتدی که اوده وطنمزه

هرمناسیه بویوک آدمک یوق دینه جک قدر اندر بولنسیدر . اولجه « آت وار ، میدان یوق ! » دییه کنديمزی آلداتیوردق ، او یالیوردق . بوکونده عینی خلیله قاییه جقمی یز ؟ تدقیق خبره ، تعمیق نظره حاجت کورمکسزین ، امرالله کی کنديسندن بو قدر خدمتلر بکله دیکمز بر آدمی استعجالمزه قربان ایده جکمی یز ؟ بزدها نه زمانه قدر حسیاته قابلقده دوام ایدوب طوره جغز ؟ غریبی نره سی ، مسئله نک ماهیتی آ کلاتدیغکز آملرده « اینی اما مثلاً فلان غزته بویله یازمیور ! » دییورلر . صانکه سزه اینا میورلرده او فلان غزته یه اینانیورلر ! الله جمله مزه انصاف ویرسین .

محمد عاکف

قطعه

بر رسمک آرقه سنه یازلش ایدی :

ظل زائلدر باقلسه دیده امعان ایله
رونمای صورت هستی اولان لوح شهود
خرده بین عتل و حکمتله باقان صاحب نظر
آلدانوب بو صورت موهومه یه ویرمز وجود

فرید



فلسفه حیات

یاخود اثبات واجب

منشأ حیات

فرانسه نک فن آقادیاسی اعضاسندن و دارالفنونک فن شعبه سی فیزیولوژی معلمی (داستر) برقاج سنه اول نشرایتدیکی (حیات و ممات) عنوانی کتابنده مادیون مسلك اخیرینه دائر غایت مهم دلائل و براهین جمع و بسط ایلشدر .

صوریون معلمنک دلائلی تنقید و تدقیق ایتک ایچون بونظریه یی صولک استحکانه قدر تعقیب ایتمک کمز لازمدر . فن کوستیریورکه بتون ذوی الحیاتک وجودی اساساً پروتوبلاسمان تشکل ایتش و بر ویا بر جوق هجراتدن ترکب ایلشدر . معلم (داستر) دخی علامت حیاتیه نک انحقق عضو ایتش ونوملی هجره شکلی اکتساب ایلش پروتوبلاسماده مشاهدده اولنه بیله جکنی بیلدیکندن دییورکه : اگر بوقوانین مطلق اولسه ایدی ؛ اگر حیات ، هجره شکلنده اولان آلومینی پروتوبلاسمان بشقه شیده بولنماسه یدی ماده نک حیاتی La vie de la matière مسئله سی عکسنه اولمق اوزره حل ایدلش اوله جقدی .

بعده بوقوانینک صفت مطلقه سنی ضعفه دوچار ایتک ایچون شو استثنایی درمیان ایدیور : « خزع حجروی Mrotomie تجربه لری جسم حجروی ونوه نک موجودیتی یعنی هجره نک تمامیتی لزومی بیلدییریور .

ایتدکن صکره محیطک ماده سینه بکزه میان، کندی ماده ذاتیه سینه تحویل ایدر. شو حاله بر میقروب ایلر بر بلور بینده و بر محلول ایلر بر محیط زرعی ارده سنده هیچ بر مشابیت یوقدر.

(۲) بلوراتک تشکلی تمثیل ونشو ونما نا، لریله توصیف اولنیور. بو، حقیقیدر؛ بر بلور عینی ماده کیمیویه نك ذراتنك طویلانیسمیه تشکلی ایتش اجزاء بلوریدن مرکبدر. بواجزاء بلوریه متجانس اولوب ماده کیمیویه نك محلول متکافی قعرنده ماده مذکوره ذراتنك یان یانه توضعیه آیری آیری اوله رق تشکلی ایدر لر و بونلرده یانه یان یانه، اوست اوسته Juxtaposition توضع ایدرک بلوری حاصل ایدر لرکه بو کیفیت تماماً قوای حکمی کیمیوی بی ایضاح ایدر. محلولده مشکل اولدینی حاله ذر تک، بواجزاء بلوریه نك توضعات میخانیکیه سیله موجودات ذوی الحیاتک تمثیلی یعنی محیط زرعی نك غیر متجانس اولان موادی نك پروتوپلاسمیه تحولی ارده سنده بر مشابیت قبول اولنه بیلورمی؟ اجزاء بلوریه نك یان یانه کلسندن متحصل بلوراتک حجه نك ترایدی ایلر حجه نك بیومسندن و یکدیگرندن تولد ایتک شرطیه بونلرک تکثیرندن متولد ذوی الحیاتک نشو ونماسی ارده سنده نه مناسبت واردر؟ اجزاء بلوریه قعر محلولده متفرقا ظاهر دکیدر؟

(۳) بلوراتک تغییراتی التیام وتندب ایتدیرمک خاصه سینه کلنجه: سائر حکمادن صرف نظر بو حالی (پاستور) پک کوزل مطالعه ایتشدرد: «بر بلور هر هانکی بر طرفندن قیریلوبده ینه کندی آنا صوینه قونیلورسه کوریلورکه عینی زمانده بلور هر طرفندن اجزای بلوریه ترسباتیه بیور، قیریلش ویا بوزولش اولان طرفنده بر سعی شدید حاصل اولورکه بر قاچ ساعت طرفنده بلورک هر طرفنده واقع اولان اعمال منتظمه دن بشقه، قسم متغیرک انتظامی اعاده ویکیدن تأسیس اولنور.»

موسیو (داستر) بونی آله آله رق دیورکه: بلورک تشکله واقع اولان سعی واعمال آفت زده اولان نقطه ده شرائط عادیده واقع اولیان بر شدت و فعالیت کسب ایدر. بر ذی حیاته وقوعه کلن حالده بوندن بشقه برشی دکلدرد.

آز بر دقتله معاینه اولنورسه شکلک تعمیری خصوصنده ذوی الحیات ایلر بلورات ارده سنده مادیونک قویمق ایستدیکی مشابیت خیالیه در حال زائل اولور.

(Gerney)، بلورک قسم متغیری سویه سنده آنا صوینه دیگر طرفلردن زیاده فوق المشوع بر حاله کلیر دیور. نه اولورسه اولسون بلوراتک تغییراتی تعمیری صرف بر تأثیر حکمی در. فقط ذوی الحیاتک یاردرینی التیام ایتدیرمی ده بویه ایدر؟ مشاهدات کوستریورکه وحید الحجراتده تعمیر والتیام، بلوراتده اولدینی کبی یالکز یارلنش اولان یر، محیطک حاوی اولدینی موادک تراکیله حصوله کلور؛ بتون حجره نك تغذیه شدت پیدا ایدرک مواد غدائییه نك تمثیلی وانلرک پروپلاتوسمیه تحولی دهها فعال بر صورتده واقع اولمسیله اجرا اولنیور. ذوات کثیر الحجراتده ایسه محل جریحه ده بر انبساط اوعیه و بونک

فقط بوتجربه لردن شونیده اکلا یورزکه حجره تمام اولدینی زمانده موت طوغریدن طوغری به حصوله کلور و علائم حیاتییه نك بر قسمی ینه نوه سز وسقط وناتمام پروتوپلاسمیه دوام ایدیور.

بومسائنا حالی تشکلی ایدن وقایع دقتله معاینه اولنورسه اثبات اولنورکه، نوه دن محروم حجره پارچه سی اراق نشو ونما و تکثیر ماکه سینه مالک دکلدرد. یعنی حیاتی توصیف ایدن هیچ بر فعل شکلی و وجودی (مورفولوژیک) ارائه ایتمز.

نوه سز اولان جزو حجره ویده دوام ایدن علائم کلنجه: حاوی اولدینی غداء احتیاطیه نك استهلا کنه مربوط حرکتدن عبارتدر، چوق زمان دوام ایتیوب بر مدت صکره قطعی بر صورتده منقطع اولور: موت، دائماً ضروری و مجبوری و غایت سریع و دائماً پروتوپلاسمیه نك عدم تمامیتی تعقیب ایدر. بناء علیه هیچ بر فعل حیاتی نوه سز پروتوپلاسمیه تحصل ایتمز.

خلاصه، موجودات ذوی الحیاتک وحدت کیمیوی و وحدت وجودیه لری قوانینی جرح ایتک شویله طورسون موسیو (داستر) ک بیاناتی بالعکس بر طرز بدیهی ده انلری تصدیق ایدیور. بز یانه انک سوزلرینی الهرق دیرزکه: اوت، پروتوپلاسمیه و حجره سز حیاتی اوله ماز. ماده نك حیاتی مسئله سی منفی اوله رق حل ایدلشدرد.

مشاهدات کوستریورکه؛ ذات ذی حیات بر محیط مناسبه قونیلورسه اوراده بولدینی مواد غدائییه یی (مولدالماء قاربونیه، آزوتیه، معدنیه) امتصاص ایدیه بیلیمک اوزره تحوله دوچار ایدیور. بعده وجودیه نك مرکب اولدینی مواد، مشابه قیلمق اوزره تمثیل ایلیور و بویه جه تدریجاً بر شکل خصوصی اکتساب و جریحه لری تعمیر و تداوی ایلیور. ایشه بو حال ذوی الحیاتک اوصاف ممیزه سی کیدر.

موسیو داستره کوره اجسام غیر عضویه ده بومسائنا مالکمش هله بالخاصه بلورات معدنیه موافق بر کولتور دروند. قونیلورسه یعنی ینه کندی سینه بر محلول ایچنه آتیلورسه بوجر نوه (بلور) نشو ونما بولورمش! ماده محلولیه یی تمثیل ایدر و بونک اجزائی و وجودیه نك ادخال ایلر و شکلی محافظه ایتدیکی حاله بیورمش! بواشخص بلوریه سقظله لری خصوصنده ذوی الحیاتک عینی قابلیت کوسترمش! و بونقطه نظر دن ذوی الحیاتک اجسام جمادیه ارده سنده مکمل بر مشابیت موجود ایتش! (داستر) ک مشابیت تامه دیدیکی شی، پک سطحی بر مشاهدده دن عبارت اولوب مختلف اشیایه عینی اسمی ویرمکن متولدرد. شیمدی برر برر جرح ایدم:

(۱) داسترک محیط زرعی دیدیکی شی ینه بوجمک کندی محلولیدر. هر بر محلول بر مایع محلولک ذراتی ارده سینه داغیلش، قاریشمش جسم منحلک ذراتدن متشکلدر. نه زمانکه جسم محلول تبیل ایدر، اجزائی طبیعتی دیکشدر مرکسزین یکیدن طویلانیور. بناء علیه کرک بلور شکلی و کرک محلول شکلی ذراتی طویلانیور ویا داغیلش عینی بر ماده در. بر محیط زرعی به قونیلان بر میقروب ایسه بالعکس بومحیطک ذراتی ساده جه طویلانیور. دکل انلرک غایت مختلط اعمال و اصلاحاته دوچار

بر ایکی دقیقه اون درجه حرارت بر اقیسه کز مایع ایچنده جرئومه لر
(بلورلر) کوروئمکه باشلار .
انقره لی :
علی رضا (دها وار)

عالم اسلام

اورنجی قونفره راسی:

احوال عالم اسلام حقنده

شهرزاده قلوبنده

عبدالرشید ابراهیم و موسی کاظم افندیلر طرفندن

۲ نیسان ، ۳۲۶ : جمعه کیجه سی

اولا استاد محترم موسی کاظم افندی حضرتلری طرفندن ، اوراده طوبیلاغش
علما و طلبه کرام افندیله ، شو قیصه نطق ایله عبدالرشید افندی حضرتلری
تقدیم اولندی :

افندیلر ، مجاهد شهر عبدالرشید ابراهیم افندی بی سزه تقدیم ایدیورم .
بوذات ، عالم اسلامک فداکاری در ، « العلماء ورثة الانبیاء » حدیث شریفی
سربینه مظهر در . بتون مسلمانلری دوشدکلری خاک مذاندن قورتارمق مقصدیله
هندستان ، ژاپونیا ، چین و سایر ممالک اسلامیه ده سیاحت ایدرک شیمدی ده
ینه او نیته مقرر خلافت کیشلدر . آرزومان صوکرآینه اوزایه ، ژاپونیا
کیده جکدر . مقصدی مسلمانلری او یاندیرمق ، اتحاد و اتفاق ایندیرمک ، دین
جلیلزک علویتی اقصای شرقده کی اهالی یه ییلدیرمک ، دین مبینمزی اطراف
عالمه نشر اتمک در . شیمدی سزه بو خصوصده کی مساعیسه دائر بر مقدار
ایضاحات اعطا بیوره جقلدر . [تشکر ایدرز]

— السلام علیکم !

— وعلیکم السلام ...

بویله بر جمع علما اولان مقامده . نم کی بر عاجزک جسارت ایدرک سوز
سویلمکه حق یوقدر . فقط بوکون ضرورت احواله کتیرمشدرکه انبیاه اسلام
اوغورنده بر عاجز بیله کنیدیسی اورتیه آتهرق فریاده مجبور اولور .
بونک ایچون عفوکزه مغروراً بر قاچ سوز سویلمکه جسارت ایدیورم ، قصورم
اولورسه هفوکزی رجا ایدرم .

معلوم احسانک ، انسان نه قدر بیله سینه قصور دن هیچ بروقتده خالی
اولماز . خصوصاً شوراسنی تکرار ایدمکه که انسان چوق سویلمکجه خطاده
چوق اولور . فقط بوکی خطالر ، نیت خالصیه بناء ، خطا صایلماز .

الحمدلله . . . بن دائماً جناب حق شکر ایدرم که توفیقات ربانیه سیله بویله
بیوک بروطفه نیک ایفاسته بی موفقی ایلدی . بوکا یوز بیک لسان ایله تشکر
ایتسه سینه آذر . زیرا ، معلوم عالیکنز ، قاچ یوز سنه لر کچدیکی حالده
بزم علمای اسلام ایچریسنده کیمسه خارجه کی اخوان دینی دوشونهرک
بر وظیفه دینی بی ایفا مقصدیله اورتیه چیقمامشدر .

بو ، تأسف اولنور بر حالدر . زیرا قرآن کریمده (سیروا فی الارض
فانظروا ...) قاچ کره لر تکرار اولونمشدر . بویله اوامر الهیه ایله ذمتمزه
تحتب ایدن بر وظیفه مقدسه دن غفلت ایتدیکمزی دوشوندیم ، پک متأثر
اولدم ، بنده بو خطاب جلیله معروض اولدیغمدن وجدانم بی دور عالم
سیاحتنه سوق ایتدی ، عموم اهل اسلامه عائد بر وظیفه بی الله بکا نصیب
قیلایسه نه بیوک نعمت ! دیه چانطه می آلهرق یوله چیقتم .

نتیجه سی اوله رق بر فرط تغدی و بر تکثر هجرات حصه وله کلیمور .
و بو هجرات او یله بر نظام اوزره توضع ایدیورلر که بو ، یانکز قواء
حکمی کی میوی ایله ایضاح ایدیه من . بناء علیه تغییرات و جریحاتی تعمیر
خصوصنده بلورات ایله ذوی الحیات اره سنده هیچ بر مشابیهت و اشتراک
یوقدر . مادیون اخیریه کوره بعض اجسام غیر عضویه ، ذوی الحیات
کی بر تناسل و تکثره مالکدر .

(M. Les. Errera) [فلسفه نباتیه] عنوانلی کتابنده طرز تبیلر
ایله حیوانات و نباتاتده کوریلن طرز تناسل اره سنده بر قرابت
کورمش و بونی پک شعشعلی بر صورتده بسط و بیان ایلشدر .

بوکون محققدر که ذوی الحیات ، کنیدینه مشابیه و آندن اول
موجود بر ذی حیاتدن تولد ایدر . موسیو داستر ، بعض بلوراتده
کندندن اولکی بر شخصدن تولد ایدیور بناء علیه بر بلور متقدمک
خالق کی مطالعه اولنه بیلور دیور . بو بلوراتده ذوی الحیاتک بذاته
تناسله دخی میقر و بلرک تکثیر و تبذیرینه مشابیه علامم مشاهده ایدیور .

محلول مشبوع و محلول فوق المشبوع نه دیمک اولدیغنی بیلر . اون
بش درجه حرارتده بر لیتره ماء مقطره بر کیلو غرام کبریتیت سود

(۳۶۰) قویه لم ، و جالفالایه لم . بو طوزک بر مقصداری (۳۶۰

غرامی) مایمک ایچنده . غائب اولور . متباقیسی قالبک دینده قالیر ،

ایشته بویله بر محلوله مشبوع دینر . زیرا اون بش درجه حرارتده

بر لیتره صو اوچیوز التمش غرام کبریتیت سود حل ایدر . اگر ،

چالفالامغه دوام ایتدیکمز حالده مایمک درجه حرارتی اوتوز درت

درجه یه قدر چیقاریرسه ق قالبک دیننده کی ملحقده حل اولدیغنی

کوریرز (۳۴) درجه ده بر لیتره ماء مقطر ۴۱۲۲ غرام بلوره کبریتیت

سود حل ایده بیلور .) بو صوک محلولی اون بش درجه حرارتی حائر

بر محله قویاجق اولورسه ق صوغومغه باشلایه رق بلور شکنده ملح

منحلک بر قسمی ترک ایدر و تمام اون بش درجه یه کلیدیکنده محلولده

اوچیوز التمش غرامدن فضله ملح قاله ماز متباقیسی قالبک دینده تکرار

توضع ایدر . بوندن اکلاشیله بیلور که تبرد تبلری ایجاب ایتدیرر .

محلوله فوق المشبوع دینور . فوق المشبوع محلول نامتناهی صورتده

مایع حالنده قاله بیلر . فقط بو محلوله کبریتیت سود بلورندن بر بارجه

قونیه جق اولورسه در حال تبلر باشلایه رق بو ایلاک نوه نیک اطرافنه

سرعتله انتشار ایدر . و ملحق فضله سی تماماً ترسب ایدنجیه قدر

دوام ایدر . و بو حادثه انتشار حرارتله ترافق ایلر . بعض حالاتده

محلول فوق مشبوعک دروننده کنیدیکندن بر طقم کوچک بلورلر

کوریلور . و بونلر عادتاً خارجدن قونلش کی تصلب و تبلرک نقطه

عنیمتی اولور فوق ذوبان دخی فوق مشبوعه بکزر بر کیفیتدر .

فی الحقیقه بتولده کوریلن (سالیسلان دونافول) علام فوق ذوبان ،

علام فوق مشبوع کیدر : بتولی یوز درجه ده اریتمکز و بر قبالی

انبوب ایچنده اوتوز درجه لک بر فرونده محافظه ایدیکنز بتول بوراده

مایع حالتی الی الابد محافظه ایدر . بالعکس درجه حرارتی تنزیل ایدرک